



Isnin, Julai 25, 2016

MENGENAI KAMI

PENYELIDIKAN

AKADEMIK

JARINGAN

ANTARABANGSA

KEHIDUPAN KAMPUS

PERKHIDMATAN

| A- | A | A+ | EN | RU | AR

## BERITA »

### UPM taja 64 anak staf sempena Program Semarak Putra Ramadan 2.0 2016



Oleh: Noor Eszereen Juferi

Foto: Marina Ismail

**SERDANG, 26 Jun** – Universiti Putra Malaysia (UPM) memberi tajaan raya untuk anak-anak yatim dan orang kelainan upaya (OKU) yang terdiri daripada 64 anak staf UPM sempena program Semarak PUTRA Ramadan 2.0 2016 di Jakel Mall, Kuala Lumpur.

Timbalan Pengarah Pejabat Strategi Korporat dan Komunikasi (CoSComm), Prof. Dr. Mansor Ahmad @ Ayob berkata program kali kedua itu melibatkan pelajar dan staf dengan bantuan serta kerjasama Pusat Tanggungjawab di UPM.

“Pada tahun lalu, 37 anak staf UPM yang kami kumpulkan untuk aktiviti pembelian baju raya. Ia mendapat sambutan baik daripada warga universiti,” katanya.



Beliau berkata, program itu memberi impak yang positif serta memupuk sifat murni di kalangan staf dan pelajar bagi membantu mereka yang memerlukan.

“Pada kali ini, 35 sukarelawan dikumpulkan untuk membantu anak-anak staf UPM dalam memilih baju raya serta memberi pendedahan kepada mereka untuk meneruskan aktiviti sukarelawan UPM di masa akan datang,” katanya.



Tajaan raya itu berjumlah RM200 untuk pembelian baju raya serta duit raya kepada anak yatim dan anak istimewa UPM.

Penolong Pegawai Sains, Jabatan Pengurusan Tanah, Fakulti Pertanian, UPM, Sarimah Hashim berkata penerimaan bantuan itu sedikit sebanyak membantu anak beliau untuk persiapan Aidilfitri.

“Saya mengucapkan ribuan terima kasih kepada UPM dan juga kepada penyumbang yang menaja duit raya yang boleh dimanfaatkan oleh staf yang memerlukan,” katanya. - UPM

RSS | Dasar Privasi | Dasar Keselamatan | Penafian | Notis Hakcipta | Peta Laman | Bantuan| Jumlah Pelawat :  
Paparan terbaik menggunakan Internet Explorer, Safari, Firefox, Google Chrome dengan resolusi 800 x 600 dan 1024 x 768 (S1)

@2013 Universiti Putra Malaysia  
Kemaskini Terakhir : 25 Jul 2016

